

গণপ্রজাতন্ত্রী বাংলাদেশ সরকার
শিক্ষা মন্ত্রণালয়
মাধ্যমিক ও উচ্চ শিক্ষা বিভাগ
শাখা-৭ (কলেজ-২)
www.moedu.gov.bd

নং- ৩৭.০০.০০০০.০৬৮.২৭.০২৩.১২-

তারিখঃ

২৬ বৈশাখ ১৪২৪

০৯ মে ২০১৭

প্রজ্ঞাপন

যেহেতু, বি.সি.এস. (সাধারণ শিক্ষা) ক্যাডারের কর্মকর্তা জনাব মোহাম্মদ হাবিবুর রহমান (১৭৬০০), প্রভাষক (ইসলামের ইতিহাস ও সংস্কৃতি), শরীয়তপুর সরকারি কলেজ, শরীয়তপুর এর বিরুদ্ধে অননুমোদিতভাবে কর্মস্থলে অনুপস্থিত থাকার অভিযোগে সরকারি কর্মচারী (শৃঙ্খলা ও আপীল) বিধিমালা, ১৯৮৫ এর ৩(বি) মোতাবেক “অসদাচরণ” এর অভিযোগে বিভাগীয় মামলা রুজু করে কারণ দর্শানো নোটিশ প্রদান করা হয়;

যেহেতু, তিনি উক্ত কারণ দর্শানো নোটিশের জবাব প্রদান করেননি। পরবর্তীতে বিধি অনুযায়ী তদন্ত কর্মকর্তা নিয়োগ করা হয়। তদন্ত কর্মকর্তা জানান যে, “জনাব মোহাম্মদ হাবিবুর রহমান এর পিতার হঠাৎ মৃত্যু ও মা দুরারোগ্য রোগে আক্রান্ত হওয়ায় তিনি মানসিক ভারসাম্যহীন হয়ে যান। প্রথম দিকে তিনি অনিয়মিত উপস্থিতি এবং তৎপরবর্তীতে শারীরিক অবস্থার অবনতি হলে চিকিৎসাধীন থাকায় তিনি নিয়মিতভাবে কর্মস্থলে অনুপস্থিত ছিলেন। তিনি চাকুরিতে যোগদানের পর বুনিয়াদি প্রশিক্ষণে অংশগ্রহণ করেন। বিভাগীয় পদোন্নতি সংক্রান্ত ধারাবাহিক শর্তাদি পূরণ করায় তাকে সহকারী অধ্যাপক হিসেবে পদোন্নতি প্রদান করে চট্টগ্রাম শিক্ষা বোর্ডের অধীনে প্রেরণে পদায়ন করা হয়। তার কর্মস্থলে অনুপস্থিতির বিষয়টি তার মানসিক ভারসাম্যহীনতার সাথে সম্পর্কিত। তাছাড়া শরীয়তপুর সরকারি কলেজের অধ্যক্ষ কর্তৃক মহাপরিচালক (মাউশি) বরাবর প্রেরিত পত্রও অভিযুক্ত কর্মকর্তাকে মানসিক ভারসাম্যহীন মর্মে উল্লেখ করা হয়েছে। জনাব মোহাম্মদ হাবিবুর রহমান চিকিৎসা পর বর্তমানে স্বাভাবিক জীবনে ফিরে এসেছেন মর্মে উল্লেখ করে মানবিক দিক বিবেচনায় তাকে চাকুরিতে যোগদানের অনুমতি প্রদানের অনুরোধ করেছেন। এতদসঙ্গে তিনি এ মর্মে অভিযুক্ত কর্মকর্তার ডাক্তারী সনদ ও দাখিল করেছেন। জনাব মোহাম্মদ হাবিবুর রহমান এর বিরুদ্ধে আনীত অভিযোগ সন্দেহাতীতভাবে প্রমাণ হয়নি বিধায় তার বিরুদ্ধে আনীত অভিযোগ হতে অব্যাহতি প্রদানের সিদ্ধান্ত গ্রহণ করা হয়;

সেহেতু, জনাব মোহাম্মদ হাবিবুর রহমান (১৭৬০০), প্রভাষক (ইসলামের ইতিহাস ও সংস্কৃতি), শরীয়তপুর সরকারি কলেজ, শরীয়তপুর এর তদন্ত কর্মকর্তার তদন্ত প্রতিবেদন এবং আলোচ্য বিভাগীয় মামলা সংক্রান্ত সকল রেকর্ডপত্র পর্যালোচনা করে তার অননুমোদিত অনুপস্থিত সময়কালকে (০২/০১/২০১০ তারিখ হতে ১৭/১১/২০১৫ তারিখ পর্যন্ত) বিনা বেতনে অসাধারণ ছুটি হিসেবে মঞ্জুর করে বিভাগীয় মামলা হতে অব্যাহতি প্রদান করা হলো।

রাষ্ট্রপতির আদেশক্রমে

স্বাক্ষরিত/-

তারিখঃ ০৪/০৫/২০১৭

(মোঃ সোহরাব হোসাইন)

সচিব

তারিখঃ ২৬ বৈশাখ ১৪২৪

০৯ মে ২০১৭

নং- ৩৭.০০.০০০০.০৬৮.২৭.০২৩.১২-

সদয় অবগতি ও প্রয়োজনীয় কার্যার্থে অনুলিপি প্রেরণ করা হলো:

- ১। মহাপরিচালক, মাধ্যমিক ও উচ্চ শিক্ষা অধিদপ্তর, শিক্ষা ভবন, ঢাকা (জনাব মোহাম্মদ হাবিবুর রহমান এর ব্যক্তিগত নথিতে/ডোসিয়ারে প্রজ্ঞাপনটি সংরক্ষণের অনুরোধসহ)।
- ২। মাননীয় মন্ত্রীর একান্ত সচিব, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, ঢাকা।
- ৩। অধ্যক্ষ, শরীয়তপুর সরকারি কলেজ, শরীয়তপুর।
- ৪। উপপরিচালক, বাংলাদেশ সরকারি মুদ্রণালয়, তেজগাঁও, ঢাকা।
- ৫। সচিবের একান্ত সচিব, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, ঢাকা।
- ৬। সিনিয়র সিস্টেম এনালিস্ট, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, ঢাকা।
- ৭। জেলা হিসাবরক্ষণ কর্মকর্তা, শরীয়তপুর।
- ৮। জনাব মোহাম্মদ হাবিবুর রহমান (১৭৬০০), প্রভাষক (ইসলামের ইতিহাস ও সংস্কৃতি), শরীয়তপুর সরকারি কলেজ, শরীয়তপুর।

(ফাতেমা তুল জাম্মাত)

সিনিয়র সহকারী সচিব

ফোন: ৯৫৫৩২৭৬